

DEO OPTIMO MAXIMO VNI ET TRINO VIRGINI DEIPARÆ
ET SANCTO LVCAE ORTHODOXORVM MEDICORVM PATRONO.

QVÆSTIO MEDICA
QVODLIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XXIII. FEBRVARII,
M. IOANNE GARBE, Doctore Medico, Præside.

An à primis generationis nostræ principijs vita longior?

960

VIS nostri opifex, vnus cum humore caloris societate conseruatur: hæc simul constant arcto nexu coniuncta: alter alterius adminiculo sustinetur, caloris alimentum humor; huius autem mucro ille reparator existit. Viuentibus temperies frigida nulla, aut æqualis: nec extremæ senectutis frigus vitalis caloris robur potest superare. Par omnium conditio: si tabescat calor loco non distillabit conclusus; ita humor non aperto coarctatus loco putredine corripitur. Dum calor per *ἡλικίαν* ad certum vsque tempus inualefcit, humoris aut spirituum substantiam non neges inclinare, lege in ipsis quàm in aliis partibus iniquiore. Recens natis plurimum, senibus exiguum inest humidum primigenium: his breuior ætas, quæ in illis futura eò diuturnior, quò caloris innati substantia vberior; ipsis tamen perpetuam, arte licet medicâ, citra naturæ iniuriam nemo posset polliceri.

VITA caloris innati indefinente actione peragitur, qui humore non aquoso, non quolibet, sed qui non facili exsiccat, quia lentus, pingui seruat: hunc durâ continet abundantiorẽ, tardius inarescit, modò rerum non naturalium vsus seruetur tempestius, & quod effluerit, continenter reponatur alimentis, quæ sint *ὑγρὰ, ὑψηλὰ, ὑπέρθερα*, quorum materiam insitâ proprietate subigit alterando tota etiam partium substantia. E plantis diutius viuunt, quæ humidum copiosum, pingue, & lentum obtinent, vt resinosa aqueis: ex animalibus, terrestria aquaticibus, sanguinea exanguibus viuaciora: ex hominibus minus salaces, mares foeminas, graciles obesis, Meridionalibus Septemtrionales vt plurimum diuturniores, & inter eos qui in vtero ferius maturefcunt. Potueruntne prioris, potiori iure quàm huius seculi, parentes longâ senectute gloriarì?

SEMINI originem referunt acceptam humidum primigenium & innatus cum spiritu calor: quod sensu simplex iudicatur, acti constat elementis se prioribus, igne & aquâ, ex quibus omnia. Illius materia sanguis superfluus, efformatur autem peculiari testium priuilegio, substantiâ crassâ & spumans, colore album, naturâ æreum, temperamento calidum humidum & virtute fecundum, à copioso quem continet spiritu & calore, qui generationis nostræ primus author existit, cuius artifex calefaciendo, rarefaciendo, distribuendo opportunè in locos conceptus materiam, architectatur sibi domicilium, & partes pro suo qualque munere effingit, quibus singulis debitam pro vsu impertitur temperiem: vt illæ ortum à femine, sic à sanguine habent vt alantur & crescant, vbi variis circuitibus diuturnâque morâ in illò ductu quem natura efformauit longiore, alterationem subierit.

TESTES innatâ quâ valent proprietate semen producant iners, minimèque fecundum, nisi ex toto magna vbertate spiritus influat, qui vt vnus tanquàm primum animæ instrumentum omnes corporis actiones, in ventriculo chylosim, in hepate hæmatosim, singulis in partibus assimilationem, vitales in corde, animales in cerebro promouet; ita in vtero omnium foetus partium formationem ipsemet *γυναικὸς* operatur, quas postea vt à se natas amat, & radicibus inherens in longiorem vitam (si copiosus) conseruat: opus enim totum à morborum incurfisbus potenter vindicat externis aut domesticis iniuriis minus obnoxium, alimenta bellè concoquit, excrementa facili deturbat, ad quorum extra corpus propulsionem, quàm instituta sunt viæ, si impotuntè retineantur, contrariorum vicem subeunt, à quibus succedunt morbi.

MAXIMUM habet momentum ad egregias corporis & animi dotes parentum semen. Fortes creantur fortibus, nec parum felices benè nati. Ad foetus conceptionem necessaria maris & feminae distinctio. Multos raro, aliquando geminos, frequentissimè vnicum foetum, nunquam monstrum, nec citra maris consortium, molam: at naturæ lege semper similem generanti prolem concipit femina, cuius speciem materia feminis, temperies sexum designat: ad huius longæuæ susceptionem requiritur vbertas seminis calidi & fecundi, à parentibus sanis & robustis, ætatis maturæ & constantis, probâ victus lege vtentibus, qui raro venerem colant, & pari corporis animique contentione ad metam properent. Aniborum genitale semen quò abundantius arque calidius, eò vitæ felicitas & salubritas maior, & inde certissima vitæ longioris causa.

Ergo à primis generationis nostræ principijs vita longior?

Proponebat Lutetiæ LVDOVICVS LE NOIR Parisiensis. A. R. S. H. M. DC. XLV.

DOMINI DOCTORES DISPVATVRI.

M. Victor Pallu.
M. Georgius Ioudouyn.
M. Hugo Chastles.

M. Nicolaus Helior.
M. Ioannes Vacherot.
M. Claudius Seguin, Regine Christi. Medicus Prim. & Regis Ordin.

M. Franciscus Mandar.
M. Claudius Lienard.
M. Renatus Moreau, Professor Regius.

